

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj : 32 0 St 434870 22 St
Tuzla, 12.01.2023. godine

OPĆINSKI SUD U TUZLI, sudija Ilvana Delić, u postupku predhodnog ispitivanja prijedloga za otvaranje stečajnog postupka nad dužnikom „OKANO“ doo Tuzla, za ugostiteljstvo, promet i usluge, ul. XVIII H. Brigade 39, dana 12.01.2023. godine donio je slijedeće,

R J E Š E N J E

POKREĆE SE PRETHODNI POSTUPAK radi utvrđivanja uslova za otvaranje stečajnog postupka nad imovinom privrednog društva „OKANO“ doo Tuzla, za ugostiteljstvo, promet i usluge, ul. XVIII H. Brigade 39.

Za privremenog stečajnog upravnika imenuje Almir Bajrić iz Tuzle, ul. Aleja Alije Izetbegovića 3B.

Privremeni stečajni upravnik dužan je odmah po prijemu rješenja o imenovanju preduzeti radnje utvrđene odredbom člana 63. Zakona o stečaju, a naročito:

- **obezbijediti imovinu dužnika i starati se o istoj,**
- **ima ovlaštenja da ude u poslovne prostorije dužnik i provede neophodne radnje,**
- **utvrditi da li postoji razlog za otvaranje stečajnog postupka,**
- **ispitati da li će imovina stečajnog dužnika pokriti troškove stečajnog postupka,**
- **utvrditi da li se poslovanje stečajnog dužnika može u cjelini ili djelimično nastaviti u toku prethodnog postupka i**
- **uraditi kontrolu poslovanja stečajnog dužnika.**
- **kada je podnosilac prijedloga za otvaranje stečajnog postupka stečajni dužnik, dostaviti izjašnjenje da li je stečajni dužnik, odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti.**

Privremeni stečajni upravnik dužan je podnijeti svoj pismeni izvještaj ovom sudu u roku od 30 dana od dana donošenja ovog rješenja u kome će izvijestiti ovaj sud o preduzetim radnjama i iznijeti svoje stručno mišljenje o tome da li postoje razlozi za otvaranje stečajnog postupka, odnosno da li postoje bilo kakvi izgledi za nastavak daljeg poslovanja dužnika.

Mjere pojedinačnog prinudnog izvršenja pokrenute protiv stečajnog dužnika se obustavljaju, izlučna i razlučna prava povjerioci ne mogu ostvariti u prethodnom postupku, stečajni dužnik ne može raspolagati budućom stečajnom masom bez saglasnosti privremenog stečajnog upravnika i suda, a sve to u cilju osiguranja buduće stečajne mase.

Rješenje će biti objavljeno u „Službenim novinama F BiH“, web stranici Općinskog suda u Tuzli i na Internet stranici FIA-e, te se pozivaju povjerioci da privremenom stečajnom upravniku bez odlaganja dostave prijedlog mjera osiguranja na predmetima stečajnog dužnika koje će eventualno zahtijevati.

Ovo rješenje će se dostaviti Odjeljenju registra ovog Suda, Zemljišno-knjižnom uredu Općinskog suda u Tuzli i Službi za geodetske i imovinsko-pravne poslove Grada Tuzla, radi upisa zabilježbe otvaranja prethodnog postupka.

O b r a z l o ž e n j e

„OKANO“ doo Tuzla, za ugostiteljstvo, promet i usluge, ul. XVIII H. Brigade 39, kao dužnik podnio je putem punomoćnika Lejle Brkić Husić iz advokatske kancelarije „Muhić i dr.“ doo Tuzla dana 27.10.2022. godine ovom sudu prijedlog za otvaranje stečajnog postupka nad ovim privrednim društvom, zbog platežne nesposobnosti stečajnog dužnika.

Stečajni sudija nakon što je utvrdio da je prijedlog za pokretanje stečajnog postupka podnesen od strane ovlaštenog predlagача u smislu odredbe člana 58. stav 1. i 2. Zakona o stečaju („Sl. novine F BiH“, br.53/2021. u daljem tekstu Zakon o stečaju) i da je isti dopušten, dana 28.11.2022. godine, naložio je predlagачu da uplati novčana sredstva na ime predujma finansiranja troškova prethodnog postupka radi utvrđivanja uslova otvaranja stečajnog postupka.

Predlagач **„OKANO“ doo Tuzla, za ugostiteljstvo, promet i usluge, ul. XVIII H. Brigade 39,** je dana 12.12.2022. godine i 10.01.2023. godine dostavio sudu dokaz o uplati predujmljenih sredstava za finansiranje prethodnog postupka u iznosu od 3.000,00 KM.

Na osnovu priložene dokumentacije i to: prijedlog za otvaranje stečaja 27.10.2022. godine, potvrda NLB banke od 08.06.2022. godine, uvjerenje UIO RC Tuzla od 21.06.2022. godine, potvrda PU F BiH od 22.09.2022. godine, izvod iz sudskog registra od 25.05.2022. godine, godišnji obračun 01.01.2021. do 31.12.2021. godine, bilans stanja na dan 31.12.2021. godine, bilans uspjeha za period 01.01.2021. do 31.12.2021. godine i uplate predujma od 3.000,00 KM, predlagач je učinio vjerovatnim platežnu nesposobnost.

Na ročištu za saslušanje stečajnog dužnika održanog dana 22.11.2022. godine, punomoćnik je izjavio da društvo ne radi od 2005. godine. Društvo nema zaposlenika osim direktora. Društvo nema imovine i računi društva su ugašeni. Društvo nema potraživanja. Dugovanja društva sastoje se od duga prema Poreznoj upravi za poreze i doprinose kao i Upravi za indirektno oporezivanje u visini cca 120.000,00 KM.

Iz svega navedenog proizilazi da društvo nije u mogućnosti izvršavati svoje dospjele obaveza od momenta dospijeca u neprekidnom trajanju dužem od 30 dana od dana nastanka obaveze. Konačno stanje u pogledu eventualno drugih obaveza bi se moglo utvrditi u slučaju određivanja privremenog stečajnog upravnika koji bi sudu dostavio izvještaj o poslovnom stanju kod predlagača sa izjašnjenjem o uslovima za otvaranje stečaja.

Na osnovu podnesene dokumentacije i zakonskog zastupnika stečajnog dužnika, sud nije u mogućnosti da sam procijeni postojanje svih neophodnih uslova koje Zakon predviđa za otvaranje stečajnog postupka, te se donosi rješenje o pokretanju prethodnog postupka radi utvrđivanja uslova za otvaranje stečajnog postupka nad dužnikom, temeljem odredbe člana 61. stav 1. Zakona o stečaju.

Odluka iz stava 3. ovog rješenja donesena je temeljem odredbe člana 63. Zakona o stečaju, a nakon što je utvrđeno da privremeni stečajni upravnik ispunjava uslove za imenovanje utvrđene odredbom člana 71. Zakona o stečaju.

Na osnovu navedenog, temeljem citiranih odredbi zakona, sud je odlučio kao u izreci rješenja.

SUDIJA
Ilvana Delić

POUKA O PRAVNOM LIJEKU: Protiv ovog rješenja dozvoljena je žalba u roku od 8 (osam) dana, računajući od dana objavljivanja. Žalbu mogu uložiti stečajni dužnik i privremeni stečajni upravnik. Žalba se podnosi Kantonalnom sudu putem ovog Suda.